



Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/23, 34/03 i 65/13), člana 8. Odluke o standardima i kriterijima za imenovanje na pozicije u reguliranim organima koja vrši Općinski načelnik Općine Centar Sarajevo ("Službene novine Kantona Sarajevo", broj 50/17 i 51/23) i člana 7. i 12. Odluke o osnivanju Javne ustanove Centar kulture i mladih Općine Centar Sarajevo („Službene novine Kantona Sarajevo“, broj 45/17, 6/18 i 42/22) Općinski načelnik raspisuje:

JAVNI OGLAS

za izbor i imenovanje Predsjednika i članova Upravnog i Nadzornog odbora Javne Ustanove Centar kulture i mladih Općine Centar Sarajevo

1. UPRAVNI ODBOR JAVNE USTANOVE CENTAR KULTURE I MLADIH OPĆINE CENTAR SARAJEVO

- jedan član – predstavnik zaposlenika Ustanove,
- dva člana – predstavnici osnivača Ustanove.

2. NADZORNI ODBOR JAVNE USTANOVE CENTAR KULTURE I MLADIH OPĆINE CENTAR SARAJEVO

- jedan član – predstavnik zaposlenika Ustanove,
- dva člana – predstavnici osnivača Ustanove.

OPIS POZICIJA:

- **Upravni odbor Ustanove** obavlja poslove od značaja za oblast kojom se bavi javna ustanova, a koji se sastoje u: donošenju pravila ustanove, imenovanju i razrješenju direktora, utvrđivanju planova rada i razvoja, utvrđivanju godišnjeg programa rada, donošenju finansijskog plana i usvajanju godišnjeg obračuna, donošenju opšteg akta o unutrašnjoj organizaciji i sistematizaciji poslova i drugih opštih akata u skladu sa zakonom i pravilima ustanove, odlučivanju o svim pitanjima obavljanja djelatnosti radi koje je ustanova osnovana, ako zakonom nije određeno da o određenim pitanjima odlučuje drugi organ ustanove, usmjeravanju, kontrolisanju i ocjenjivanju rada direktora, rješavanju svih pitanja sa osnivačem, odlučivanju o korištenju sredstava preko iznosa utvrđenog pravilima ustanove, odgovornosti osnivaču za rezultate rada ustanove, podnošenju osnivaču najmanje jednom godišnje izvještaja o poslovanju ustanove i drugim poslovima u skladu sa zakonom i pravilima ustanove.
- **Nadzorni odbor Ustanove** analizira izvještaje o poslovanju ustanove, u obavljanju nadzora nad upotrebom sredstava za rad pregleda godišnjih izvještaja o poslovanju i godišnji obračun, pregleda i provjerava urednost i zakonitost vođenja poslovnih knjiga, izvještava osnivača, upravni odbor i direktora o rezultatima nadzora.

Mandat predsjednika i članova Upravnog i Nadzornog odbora je četiri godine uz mogućnost jednog reizbora.

Mjesečna naknada za rad članova upravnog i nadzornog odbora utvrđuje se posebnom odlukom Vijeća.

OPĆI USLOVI:

- da je stariji od 18 godina;
- da je državljanin Bosne i Hercegovine;
- da nije otpušten iz radnog odnosa kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije u javnom oglasu;
- da se na tog kandidata ne odnosi član IX. tačka 1. Ustava Bosne i Hercegovine;
- da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine ("Službeni glasnik BiH", broj: 16/02,12/04);
- da nije zaposlen na drugoj izbornoj poziciji u reguliranom organu, koja može uticati na eventualni sukob interesa.

POSEBNI USLOVI:

- da posjeduje najmanje visoku stručnu spremu (VII stepen), odnosno završen najmanje prvi ciklus bolonjskog studija visokog obrazovanja u trajanju od najmanje tri studijske godine sa akademskom titulom i stručnim zvanjem Bakalaureat/Bachelor (180 ECTS bodova);
- da ima najmanje tri godina radnog iskustva (poželjno u oblasti kulture);
- da nije direktor Ustanove za čiji organ se kandiduje;
- da nema privatni finansijski interes u javnoj ustanovi u čiji se upravni i nadzorni odbor imenuje;
- da nije općinski vijećnik/ca u mandatu;
- da nije bliski srodnik u smislu sukoba interesa sa bilo kojim članom ili zaposlenikom u Ustanovi za čiji organ se kandiduje;
- da nije osuđivan za krivično djelo koje je nespojivo sa obavljanjem dužnosti predsjednika i člana upravnog odbora i predsjednika i člana nadzornog odbora javne ustanove;
- da nije osuđivan za prekršaj koji je nespojiv sa obavljanjem dužnosti predsjednika i člana upravnog odbora i predsjednika i člana nadzornog odbora javne ustanove.

POTREBNA DOKUMENTACIJA:

- Prijava sa naznakom za koju se poziciju iz Javnog oglasa kandiduje;
- Uvjerenje o državljanstvu ne starije od šest mjeseci;
- Diploma o završenoj visokoj stručnoj spreml;
- Dokaz o radnom iskustvu (uvjerenje, potvrda potpisana i ovjerena od poslodavca ili uvjerenje o radnom stažu od FZ PIO/MIO);
- Uvjerenje da se protiv lica ne vodi krivični postupak – ne starije od tri mjeseca*;
- Obrazac za pitanja o sukobu interesa;
- Izjava;

(kopije dokumenata moraju biti ovjerene).

*Kandidat nije dužan dostaviti uz prijavu uvjerenje da nije osuđivan za krivično djelo koje je nespojivo sa obavljanjem dužnosti predsjednika i člana upravnog odbora i predsjednika i člana nadzornog odbora javne ustanove i uvjerenje da nije osuđivan za prekršaj koji je nespojiv sa obavljanjem dužnosti predsjednika i člana upravnog odbora i predsjednika i člana nadzornog odbora javne ustanove, već dokaze o ispunjavanju navedenih uslova, za

najuspješnije kandidate, nakon zahtjeva Komisije za izbor pribavlja služba nadležna za poslove iz oblasti kulture i sporta, a u skladu sa pravilima krivičnog i prekršajnog postupka.

Izjavu, Prijave za člana Upravnog i Nadzornog odbora, obrazac za pitanja o sukobu interesa mogu se lično preuzeti na Info-pultu u Općini Centar Sarajevo ili sa WEB-stranice Općine: www.centar.ba

Dokumentaciju dostaviti lično ili poslati preporučeno poštom na adresu:

Općina Centar Sarajevo Mis Irbina broj 1.

Služba za obrazovanje, društvene djelatnosti, kulturu i sport

sa naznakom- **„Prijava na Javni oglas za izbor i imenovanje Predsjednika i članova Upravnog i Nadzornog odbora Javne Ustanove Centar kulture i mladih Općine Centar Sarajevo - ne otvarati“**

Krajnji rok za podnošenje Prijava je 15 dana od dana objavljivanja Javnog oglasa.

Neblagovremene prijave i nepotpuna dokumentacija neće se uzeti u razmatranje.

Izrada: Nafa Kadić

Kontrola: Jasmina Fazlić

Saglasna: Lejla Dizdarević

OPĆINSKI NAČELNIK

Srđan Mandić